

# Kirgiza lingvo

**Kirgiza lingvo** (cirile: кыргыз тили, кыргызча, arabalfabete: *قىرعىزچا*, قىرعىز تىلى, latinalfabete: *kyrgyz tili*, *kyrgyzça*) estas nordokcidenta tjurka lingvo parolata ĉefe en Kirgizio, kie ĝi estas oficiala lingvo kune kun la rusa. Ĝi estas aparte proksima al la kazaĥa.

Nuntempe, la rusa estas ankoraŭ la ĉefa lingvo en la ĉefaj urboj kiel Biŝkeko, dum la Kirgiza lingvo estas daŭre perdanta teron precipe inter la pli junaj generacioj.<sup>[1]</sup>

La lingvo ankaŭ uzatas en Ĉinio, Afganio, Kazaĥio, Taĝikio, Turkio kaj Uzbekio. Entute estas proksimume 3 milionoj da parolantoj. La kirgiza uzas modifitan cirilan alfabeton en Kirgizio kaj modifitan araban skribon en Ĉinio. Latinida skribo uziĝis dum 1928-1940 en Kirgizio kaj antaŭnelonge regajnis ofician favoron, tamen ĝia uzo en ĉiutaga vivo estas malofta.

## Enhavo

**Skribo**

Cirila kirgiza alfabeto

**Elparolo**

Konsonantoj

Vokaloj

Vokala harmonio

**Notoj kaj referencoj**

**Bibliografio**

**Vidu ankaŭ**

Vidu ankaŭ

Eksteraj ligiloj

## Kirgiza lingvo

### Кыргыз тили, кыргызча



**Parolata en**

Kirgizio kaj najbaraj landoj

**Parolantoj**

4 568 480

**Denaskaj parolantoj**

3 milionoj

**Skribo**

Cirila alfabeto, araba alfabeto, latina alfabeto

**Lingvistika klasifiko**

Altaĵa (diskutata)

Tjurka

Kipĉaka

**Oficiala statuso**

**Oficiala lingvo en**

 Kirgizio

**Lingvaj kodoj**

**Lingvaj kodoj**

**ISO 639-1**

ky

**ISO 639-2**

kir

**ISO 639-3**

kir

**Glottolog**

kirg1245

**Angla nomo**

Kyrgyz

**Franca nomo**

kirghize

**Vikipedio**

## Skribo

Ĝis la jaro 1928, la araba alfabeto estis oficiala. Inter 1928 kaj 1940, oni skribis la kirgizan per la latina alfabeto, kaj de 1940 oni uzas la cirilan alfabeton. Ĉi tiu alfabeto estas nuntempe oficiala en Kirgizio, sed kelkaj homoj (precipe en Ĉinio) plu uzas la araban alfabeton.

Araba	Cirila	Latina
<p>باردق ادامدار ۆز بېدەلەندە جانا          ۆقۇقتارىندا ەركىن جانا تەڭ ۆقۇقتۇ          بولۇپ جارالات. ە الاردىن اڭ.          سەزىمى مەنەن ابىيىرى بار جانا بىرى-          بىرىنە بىر تۇغۇعانلىق مامىلە قىلۇۇعا          تىيىش.</p>	<p>Бардык адамдар өз беделинде жана          укуктарында эркин жана тең укуктуу          болуп жаралат. Алардын аң-сезими          менен абийири бар жана бири-бирине          бир туугандык мамиле кылууга тийиш.</p>	<p>Bardık adamdar öz bedelinde jana          ukuktarında erkin jana teñ ukuktuu          bolup jaralat. Alardın aň-sezimi          menen abiyiri bar jana biri-birine bir          tuugandık mamile kılıuga tiyiş.</p>

## Cirila kirgiza alfabeto

La kirgiza alfabeto baziĝas sur la rusa alfabeto, sed enhavas tri kromajn literojn por skribi kirgizajn sonojn: H, Ө kaj Ү<sup>[2]</sup>.



Kirgiza klavarananĝo

Litero	Transskribo	Elparolo (IFA)	Proksimuma esperanta transskribo
<u>А а</u>	a	[ɑ]	a
<u>Б б</u>	b	[b, v, w]	b
<u>В в</u>	v	[v]	v
<u>Г г</u>	g	[g, ɤ, ʏ, ɐ]	g
<u>Д д</u>	d	[d]	d
<u>Е е</u>	e	[e, je]	e, je
<u>Ё ё</u>	yo	[jo]	jo
<u>Ж ж</u>	j	[d͡ʒ]	ĝ
<u>З з</u>	z	[z]	z
<u>И и</u>	i	[i]	i
<u>Й й</u>	y	[j]	j
<u>К к</u>	k	[k, q, x]	k
<u>Л л</u>	l	[l, ɭ]	l
<u>М м</u>	m	[m]	m
<u>Н н</u>	n	[n]	n
<u>Њ љ</u>	ñ	[ɲ, ɳ]	ng
<u>О о</u>	o	[o]	o
<u>Ө ө</u>	ö	[ø]	(e)
<u>П п</u>	p	[p]	p
<u>Р р</u>	r	[r]	r
<u>С с</u>	s	[s]	s
<u>Т т</u>	t	[t]	t
<u>У у</u>	u	[u]	u
<u>Ү ү</u>	ü	[y]	(u)
<u>Ф ф</u>	f	[f]	f
<u>Х х</u>	h	[x, q]	ĥ
<u>Ц ц</u>	ts	[t͡s]	c
<u>Ч ч</u>	ç	[t͡ʃ]	ĉ
<u>Ш ш</u>	ŝ	[ʃ]	ŝ
<u>Щ щ</u>	ŝç	[ʃt͡ʃ]	ŝĉ
<u>Ъ ъ</u>	'		
<u>Ы ы</u>	ı	[w]	inter i kaj u
<u>Ь ь</u>	”		
<u>Э э</u>	e	[e]	e
<u>Ю ю</u>	yu	[ju]	ju
<u>Я я</u>	ya	[ja]	ja

La literoj В, Ф, Ц, Щ, Ъ kaj Ь estas maloftaj; oni renkontas ilin precipe en fremdaj vortoj (ĉefe rusdevenaj). La sono /e/ estas skribata Э vortkomence kaj Е aliloke; vortkomenca Е elparoliĝas /je/ kaj troveblas nur en rusdevenaj pruntvortoj.

Longaj vokaloj estas skribataj per duobla litero: аа, ээ, ии, оо, өө, уу, үү<sup>[2]</sup>.

## Elparolo

---

# Konsonantoj

	Lipaj	Alveolaj	Postalveolaj	Palataj	Velaj/uvulaj
Nazaj	m	n			ŋ~N
Haltaj	p b	t d			k~q g~ɣ
Ekfrotaj			ʈɟ d͡ʒ		
Frotaj	f v	s z	ʃ		
Flanka		l~ɭ			
Vibra		r			
Alproksimanta				j	

Pluraj konsonantoj havas alofonojn<sup>[2]</sup>:

- /k/, /g/ et /ŋ/ iĝas uvulaj ([q], [g] kaj [N]) ĉe malantaŭa vokalo;
- /g/ elparoliĝas [ɣ] inter du antaŭaj vokaloj;
- /k/ kaj /g/ elparoliĝas respektive [x] kaj [ɣ] inter du malantaŭaj vokaloj;
- /l/ elparoliĝas [ɭ] ĉe malantaŭa vokalo.

La voĉeco de konsonantoj ludas rolon en la formo de pluraj sufiksoj (ekzemple la plurnombra sufikso).

# Vokaloj

	Antaŭaj		Malantaŭaj	
	Rondaj	Nerondaj	Rondaj	Nerondaj
Fermitaj	i	y	u	u
Mezaj	e	ø		o
Malfermita			ɑ	

Ĉiuj vokaloj krom /u/ povas esti longaj.

# Vokala harmonio

Vokala harmonio estas tipa trajto de tjurkaj lingvoj, kaj ankaŭ la kirgiza havas ĝin. Laŭ tiu principo, antaŭaj kaj malantaŭaj vokaloj ne povas esti en la sama vorto, kaj en kelkaj kazoj, vokala harmonio aplikiĝas ankaŭ al vokala rondeco. Pro tio, sufiksoj kutime havas almenaŭ kvar formojn<sup>[3]</sup>.

Ekzistas du specoj de sufikso: tiuj kun altaj vokaloj (/i/, /y/, /u/, /u/) kaj kun malaltaj vokaloj (/e/, /ø/, /ɑ/, /o/). La vokalo uzata en la sufikso dependas de la lasta vokalo de la vorto:

Lasta vokalo	Altvokala sufikso	Malaltvokala sufikso
/i/	/i/	/e/
/y/	/y/	/ø/
/u/	/u/	/ɑ/
/u/	/u/	/ɑ/
/e/	/i/	/e/
/ø/	/y/	/ø/
/ɑ/	/u/	/ɑ/
/o/	/u/	/o/

Ekzemple la ablativa sufikso *-ten* povas havi jenajn formojn (la ŝanĝo de *t* al *d* ne rilatas al vokala harmonio, sed al konsonanta asimiliĝo):

- иш *iŝ* “laboro” → иштен *iŝten* “el laboro” ;
- көл *köl* “lago” → көлдөн *köldön* “el lago” ;
- токой *tokoy* “arbaro” → токойдон *tokoydon* “el arbaro” ;
- жыл *jıl* “jaro” → жылдан *jıldan* “el jaro”.

Ekzistas esceptoj al vokala harmonio, ĉefe en pruntvortoj, ekzemple республика *respublika* (“respubliko”, pruntita de la rusa).

## Notoj kaj referencoj

---

1. ↑ Ferdinand, S. & Komlósi, F. 2016. Vitality of the Kyrgyz Language in Bishkek ([http://www.academia.edu/27246121/Vitality\\_of\\_the\\_Kyrgyz\\_language\\_in\\_Bishkek](http://www.academia.edu/27246121/Vitality_of_the_Kyrgyz_language_in_Bishkek)). IJORS 5-2, pp.210-226. Alirita 10 September 2016.
2. ↑ <sup>2,0</sup> <sup>2,1</sup> <sup>2,2</sup> Simon Ager. Kyrgyz alphabet, language and pronunciation (<http://www.omniglot.com/writing/kirghiz.htm>) (angle). *Omniglot*. Alirita la 4-an de decembro 2012.
3. ↑ Herbert kaj Poppe 1963, paĝoj 7–8

## Bibliografio

---

- (2004) *Parlons kirghiz : Manuel de langue, orature, littérature kirghizes* ([http://books.google.fr/books?id=UjTK7a\\_9dLUC](http://books.google.fr/books?id=UjTK7a_9dLUC)) (france). Parizo: L'Harmattan, p. 615. ISBN 2747564606.
- (1963) *Kirghiz Manual* (france). Bloomington: Indiana Universitato, p. 162. ISBN 0-7007-0380-2.

## Vidu ankaŭ

---

### Vidu ankaŭ

- Kirgizoj
- Kirgizio
- Lingvistiko
- Listo de lingvoj

### Eksteraj ligiloj

- La kirgizaj alfabetoj (<http://www.omniglot.com/writing/kirghiz.htm>) ĉe Omniglot (angle)
- Cirila-latina-araba kirgiza konvertilo (<http://www.transliteration.kpr.eu/ky/>)
- La kirgiza lingvo ([http://www.ethnologue.com/show\\_language.asp?code=kir](http://www.ethnologue.com/show_language.asp?code=kir)) ĉe Ethnologue
- Enkonduko al la kirgiza lingvo (<http://kyrgyz.lugovsa.net/>) (ruse)

---

**Ĉi tiu paĝo estis lastafoje redaktita je 14:18, 27 aŭg. 2019.**

La teksto disponeblas laŭ la permesilo Krea Komunaĵo Atribuite-Samkondiĉe 3.0 Neadaptita; eble aldonaj kondiĉoj aplikeblas. Vidu la uzkondiĉojn por detaloj.